


静东楼医案



長洲尤在涇先生席著

靜香樓醫案

白下叢靜涵題



粹香樓醫案小序

此尤在涇先生以著也先生名怡字石

涇自號何鶴山人江蘇長洲縣人同時

吳下以醫名者有沈葉氏桂徐氏大椿

王氏子接均煥耀一時先生與之聯鑣

接軫輝映以光於醫道中丁渭能樹



一憾去取各有偏塞編費殊鉅金匱心典

醫學讀書記均已刊行惟此業未經校

梓以有江陰柳氏寶詒評選不刊之書

惟內多擅改原文刪去多條首以各業

不及原書十分之三涵見之深為可惜

於友人案初見有鈔本兩冊因假歸讀



之見至論病則思路精細絕不泛引古

書用藥則隨證化裁從不蹈襲成方

先生博極羣書猶不拘泥古方彼徒執

古書者不知食古期化裁制因時之理故

動則為古書所囿不能活潑使用耳是

則古案不第為治病之良規并可為讀



古書之心法因鈔成四冊至中經間有魯

魚豕亥但原文如此固未脩改間有取案

病情似雷同其但案語各具至理之未

刪去以涵之才識何能及先生之勇

、若礼加刪改是猶店九壞而則九

九天中涵之所不敢也爰識於後以

為序

民國十年五月上浣白下後學農靜

汪序於橋井井堂





靜香樓醫案

尤在涇著

中風

類中偏左於法為逆猶幸病氣尚輕可以緩圖取效前進補少通多最為合理惟是陽脉則緩陰脉則急所以肢節能屈而不能伸此亦病之關鍵處不可不急講也經云肝苦急急食甘以緩之前方中進陰藥之甘潤者一二味更為美備

六君子湯加 麥冬 竹瀝 姜汁

復診

前方加 當歸

類中偏右於法為從口目歪擗亦是經絡之病自可漸調而愈也和養氣血通調經絡乃是治法之要斂補攻削均非所宜然

三診

咽喉乾痛滋清不愈宜從降導

腎氣丸

方書每以左癱屬血虛右癱屬氣虛據述頻年以來齒痛舌帶
常有精濁納穀如昔卒然右偏肢痿舌強口喝語蹇脈得數勁
此乃腎虛水不涵木肝風暴動神必昏迷河間所謂腎虛氣竭
舌強不寧足癱無力但腎屬坎水真陽內寄宜溫攝納肝藏相
火內寄又宜涼以清之溫腎之方參入涼藥是為複方

地黃飲子去附子 肉桂 加天門冬 阿膠 麥冬

五味子 山萸肉

靜香樓醫案

虛勞

尤在涇著

虛損至食減形瘦當以後天脾胃為要異功散五六付頗得加
穀今春半地氣上升肝木用事熱升心悸汗出咳嗽甚至見血
肝陽內熾絡血遂沸聊進和陽養陰之劑使水火稍平仍以前
方加白芍制木安土

大生地

麥冬

女貞子

甘草

阿膠

陽傷背後陰損內熱久咳失音延及喘咳兩三年容瘦膚稿諒
非外邪壅遏想已營衛偏枯勞損沉疴之症也

黃耆

阿膠

歸身

牡蠣

炙草

南棗

脈細頭痛失血數發咽痛至晡暮火升血止後咳嗽仍然日前



甘肥陰藥得如穀此肺肝腎至陰延及胃陽纏綿之病難愈

生鷄子黃 細生地 北沙參 川斛 阿膠 麥冬

脉虛肌無淖澤氣噎於上則飢食五十八歲衰敗如是殊非
水攻病所宜每日用精壯人肉乳一杯加入生姜汁五份和服

其調理藥方用壯黃牛肉漂淨淡水煮清汁取膏常服有益

肝藏失調侵脾則腹痛侮肺則乾咳病從内生非外感客邪之
比是宜內和藏氣不當外奪衛氣者也但脉弱而數形症色稿
上熱下寒根本已離恐難全愈

川桂枝 大白芍 炙草 白茯苓 飴糖 歸身

兩尺無力筋骨懈惰腰膝痠弱夜多便溺晨起頭角微痛此肝
腎內虛先天稟受不足最宜慎養兼進補丸

大熟地 鹿角膠 淮藥 兔絲子 山萸肉 杜仲



白茯苓 枸杞子 五味子 淮膝

既傷於陰復傷於陽久咳咽痛失音而便澹足腫脉寸數而
小病深氣極難為力矣

六味丸加 北五味子

久咳咽痛聲啞虛勞之重症况便澹食少滋膩難投於法為逆

都炁丸

羅氏論虛勞之症都因邪伏血鬱而得不獨陰虧一端也至晚
寒熱時減時增其為陷入陰可知滋腎生肝最為合法畧加損
益不必更張可也

大熟地 白茯苓 淮藥 柴胡 炙白芍

白牡丹皮 炙草 鱉甲

復診



熱漸減頭中時痛脉數不退喉間痰滯不清

麥冬 香青蒿 淮膝 鱉甲 白茯苓 白丹皮

炙草 淮山藥 原生地

三診

體雖不熱脉仍細數日來寒象已却宜養陰氣

六味丸去山萸肉澤瀉加炙白芍淮膝鱉甲香青蒿

面蠟形瘦脉虛而數咳嗽氣促腰膝無力大便時澹此先後兩
天俱虛慮其延成虛損清潤治肺之品能戕中氣勿更投也

紫河車 大熟地 淮藥 山萸肉 淮膝

白丹皮 厚杜仲 雲苓 北五味 澤瀉

形盛脉充兩尺獨虛下體麻痺火浮氣急此根本不同枝葉雖
盛未足時也

大熟地 淮膝 桑椹子 淮藥 茯苓 牡丹皮

沙蒺藜 甘枸杞子

脉弱形瘦病成虛勞難治

生地 地骨皮 香青蒿 麥冬 白茯苓 生草

白丹皮 燈心

真陽以腎為宅以陰為根腎虛則陰衰則陽無偶而蕩矣由是
上炎則頭耳口鼻為病下走則膀胱二陰受傷自春涉秋屢用
滋陰清利之劑欲以養陰而適以傷陽不能治下而反戕中氣
內經所謂熱病未已寒病復起者是也鄙意擬以腎氣丸直走
少陰據其窟宅而招之同聲相應同氣相求之道也所慮者病
深氣極藥入不能制病而反為病所用則有增而劇耳
真陽氣弱不禁於筋則陰縮不固於裡則精出不衛於表則汗



泄三者每相因而見其病在三陰之樞非後世方法可治古方專治久服當有驗也

心虛者血不榮脾虛者營衛衰命門虛則精少而陽衰由是腦寒惡風胃噎食腸閉等症見矣是宜溫以養陽潤以養陰噫

澤稿以冀回春者也益水壯水均失其宜

此方遺失

心脾腎交虛而其本當責之腎許學士所謂補脾不如補腎也

六味丸加兔絲子 杜仲 葫蘆巴 補骨脂

晨服丸方

大熟地 枸杞 兔絲子 山萸肉 巴戟天

肉蓯蓉 楮實 大茴香 沙蒺藜 白茯苓

淮牛膝 淮藥 補骨脂 蘆巴

另用南棗去核炒焦與藥同研為末河水泛丸大如椒
服時用淡鹽湯送下

晚服丸方

白朮 建蓮 薏仁 澤瀉 白茯苓 建曲 山查
炒麥芽 白扁豆 陳皮 法夏 粉甘草 白蔻仁
廣藿香 苦桔梗
右藥為末用稀米和丸淡鹽湯送下

